

Polko Sokome Nakayáñoní Topé Filemon ñuno Uró ñu

Mande Kembé

Komo suki uni kato sokome ña **Grik** mandewore nakayáñaró, ko eneño owí nekaró, “Pol,” yaró. Uni ñuko **asáñowí uni** Pol nanqe. (*Filemon 1* weyo qembe.) Itaka ñño-ñño uni kumimbo ñande ye ñño-yotenge, ko enendo kumima naru 60AD quno ñuno **Rom** yendémo kusi-kusi yano nakayáñoro riní topé Filemon ñuno uró. (Asa “60AD” murí muko ñandiro, ko Yesu nimí pisiyaró, yate kumima naru 60 ñunde rotaró. Nore kumima naru 2,000 ñunde rotoro yate itaka yoteto.)

Filemon ñuko uni parámi ka, **Anutu koro huru-huru** ka yayómo huruwañgurí. **Huru-huru** ñuko Kolosi yendémo ñuno yora, peka. Dokoro Polko sokome ka nakayáñoro riní Kolosi ñuno uró. Sokome quroko ñuno uni kumimbo Kolosi unipare yuñguna yereñgurí. Uni ñundo sokomeko ñano ñuya Filemon koya **huru-huru** yayómo huruwañgurí ñuro yuñguna yereñgurí. (*Kolosi 4:10,12-14; Filemon 23-24* weyo qembe.) Ñuya sokome irisa quno ñuno Polko yendé ñuro uni ka, Arikipus, owí nekaró. (*Kolosi 4:17; Filemon 2* weyo qembe.)

Asa Onesimus ñuko Filemon koro **kho simó**, quko komo mondó ta kheñgeño roto toñeró. Ñu naruko ñunoko **kho simómboro** uni parámiyembo **kho simó** kimoyi eneño situwiye qembe tunoqañgurí. Ñunde ñuroko **kho simó** ka ñunde roto toñiníño, uni parámimbo meté uroní khumoweya, peka. Asa Onesimus toñero **Rom** yendémo ñuno Pol seqaró. Seqa qenero, yate **miti mande** ñño ñondutu taró. (*Filemon 10; Kolosi 4:9* weyo qembe.) Yate Polko Onesimus pitu ko Filemonko uyarewero ye ññaró. Ko koretero sokome ña nakayáñoní Filemon weyoro o piyimi Onesimus kama te inoweya.

¹No Pol, no Kristo Yesu^a koro kho teyoteno ñuro kusi-kusi uni yoteno. Noya topone hamó ñu Timoti koya sokome ña nakayáñarowó. Filemon, toponari hamó noreya kho koporo teyote qu, sokome ña rewe keno uyaró.

^a 1 “Kristo Yesu” - komo suki *ye-ye unindo* Anutuko uni ka rokóñoní mahero wiri yerete uni parámi horé tunoqeweya qu karo yañgurí. Juda unipareto uni maheweya ñu, “Kristo,” ma, “*Mesaiya*,” ye nekañgurí. Asa Yesu mahiní eneño unipareyó, “Kristo Yesu,” ma, “Yesu Kristo,” nanqe ye nekañgurí.

²Ko kuwonari Apia ηuno ηuya uyaró, ko Arikipus, noreya kuma kopo teyoteto qu, ηuno ηuya uyaró. Ko Anutu koro huru-huru^b ηu yakemo huruwoyotenggo ηuya ηuno uyaró. ³Meté Anutu Awananimboya Uni Parámi Yesu Kristo koya samaka-samaka tuwó yunoro newonde ime yunowari.

Polko Filemon oteteyómboro Anutu yungunaηaró

⁴⁻⁵Kusumbonembo ηande iηoyote, asa keto Uni Parámi Yesu iηondutuwooro unipare meté horé ηu newonde meté yunoyote. ηunde ηuroko naru rokóηo no keηo iηoro hariri tero neneηo Anutune yungunaηoyoteno. ⁶ηunde teweqo, keto kho tero unipare keηo iηondutuke ηuro yimiroweya. ηunde tero nore Kristo^d koηgo o meté soso towoyoteto ηuro iηomukoweya. ⁷Dokoro, topo, keto unipare meté horémboro newondeye ηu roηgaruwooro newonde hamó yunoyote. ηunde ηuroko no niηgu-niηgu hamó tewe newondene rukisoyote.

Polko Onesimus koro Filemon kira yaró

⁸Asa no ηande iηoteno, ko nondo Kristo^e owímo mande kondé kimirowano tiníqo, o ηu teweya. ⁹Quko ηunde kama tewano. No Pol, no uni koηgomu teteno, ko Kristo Yesu koro kho teyoteno ηuro kusi-kusi uni yoteno. Newonde yunowero murí ηuko kusi nereyote. ηunde ηuro o tewero ηuro kinaηge kira kerewe. ¹⁰Asa no naηone Onesimus samakaηowero quro kira kereteno. No kusi-kusi yano yoroweηo neneηo naηone hamó tunoqaró. ¹¹Hamó, komo kho tero kama samaka kereyara. Quko itaka kho meté tero nore irisa samaka nereweya.

¹²Nondo ene newonde hamó inoyoteno, quko itaka keno asáηowe teteno. ¹³Hamó, ene noya yoreweya ηuro kondé ye iηoyoteno. ηunde tero enendo no miti mande^f yeyoteno ηuro kusi-kusi yano norotaηgurí quno ηuno keηo mepé rero no samaka nereweya. ¹⁴Quko koretero keto iηoro, “Meté,” yiqota oka tewano naηge. ηundi ro do ka teweya ηuko tuwó naηge teweya, neneηo mande kondé naηge kama howeweya. ¹⁵Qeno, do murí karo naru tukuni ta Onesimus korotaró? ηandi ro peka, ko ke pitu ko rero eneya keya suki-suki yoweya. ¹⁶Ko itaka keηo kho simó^g

^b ² “Anutu koro huru-huru ” ηuko unipareto Yesu iηondutuwooro huruwoyotenggo qu.

^d ⁶ “Kristo ” ηuko Yesu naηge, asa Anutuko rokóηoní mahero wiri yerete uni parámi horé tunoqaró ηu. ^e ⁸ “Kristo ” ηuko Yesu naηge, asa Anutuko rokóηoní mahero wiri yerete uni parámi horé tunoqaró ηu. ^f ¹³ “miti mande ” ηuko Anutuko Kristo asáηoní khumoro quhurínanimboro kimo tiní Anutu koya newonde kanata tewero ηuro mande meté mu naηge. ^g ¹⁶ “kho simó” - ηu naruko ηuno unipare qambu kho simó, kho pare tunoqanηurí. Naru kano wini irisa kuma tero kako taka yerero kusi yiriní kho simó tunoqanηurí. Naru kano uni kato utatá parámi tero topé tewero mepémo kini, eneηo soweyoro kho simó tunoqanηurí. Asa kho simó ηunde quko uni parámiyómboro kho qu teyara, eneηomboro o ka tewero mepémo kini.

nanje kini. Iyo, eneko kho simónge, quko kejo topoke hamó nyua tete. Nenejombo topono hamó ye qeneyoteno. Quko ke oteteyó qenero enejo parámi injoweya. Dokoro yari irisa Uni Parámi injondutuwoyariyó.

¹⁷Unde njuroko keto niyoyi maraweke hamó tiniqo, Onesimus koya topo te qembe. ¹⁸Komo keno o piyimi ka tero utatá ka taró tiniqo, utatá nyu nenejo nanje. ¹⁹No Pol, kandenembo sokome na nakayájoro nande yeteno, nenejombo nanje utorewano. Nyu hamó, quko kejo yoto-yotokeporo utatá qu towoyoteno. ²⁰Topo, injo. Nore irisa Uni Parámimboya womoyotero, unde njuroko o meté na te nunoka, Kristo quroyómo ninguningu tewe. ²¹No nande injomukoteno, ketoko mandene na howeweya. Unde njuroko sokome na nakayájoteno. Hamó keto otete meté qu ka sowe teweya. ²²Asa nenejo ya wembó ka rojgaruwo qembe, dokoro nande injoteno, yendo nenejo hariri tiqo, na nojgo rotoro yeno uyarewano.

Uni kumimbo Filemon yungunanggurí

²³Epapiras njundo yunguna kereyote. Enendo Kristo Yesu^h koro kho teyote, unde njuroko nore irisa-irisa kusi-kusi yano yotero. ²⁴Mak, Arisitakus, Demas, Luk njundo nyua yunguna kereyotengo. Uni soso njundo noya kho kopo teyotengo.

²⁵Uni Parámi Yesu Kristoko yejo yuqaye samaka-samaka tuwóⁱ yunoní.

^h **23** “Kristo Yesu” - komo suki *ye-ye unindo* Anutuko uni ka rokójoní mahero wiri yerete uni parámi horé tunoqeweya qu karo yanggurí. Juda unipareto uni maheweya nyu, “Kristo,” ma, “*Mesaiya*,” ye nekanjurí. Asa Yesu mahiní enejo unipareyó, “Kristo Yesu,” ma, “Yesu Kristo,” nanje ye nekanjurí. ⁱ **25** “*samaka-samaka tuwó*” njuko Anutu enejombo nore samaka yereyote. Kimoyó moré kini.